

Sporazum o cestama u Brčko Distriktu potpisan između Brčko Distrikta i entiteta

Pod pokroviteljstvom supervizora za Brčko, ambasadora Henry L Clarke-a, Vlada Brčko Distrikta i entitetske Vlade danas su u Brčkom potpisale Sporazum o cestama u Brčko Distriktu.

Sporazum utvrđuje odgovornosti za održavanje i nadzor nad cestama na području Brčko Distrikta i raspoređivanje prihoda ostvarenih iz ovih izvora.

Na osnovu sporazuma, Distrikt je odgovoran za održavanje i nadzor nad regionalnim i lokalnim cestama na području Brčko Distrikta, kao i 9 km magistralne ceste M.14.1 između Plazulja i Gredica i 5.4 km magistralne ceste M.1.8 između Cerika i Porebrica, kao i prikupljanje i zadržavanje prihoda ostvarenih po ovom osnovu.

Sporazum takođe uključuje zajednički dogovor o neophodnosti izgradnje zaobilaznice oko Brčkog. Vlade Brčko Distrikta, Republike Srpske i Federacije BiH će do kraja godine započeti pregovore oko zajedničkog financiranja zaobilaznice.

Za detaljnije informacije molimo vas da se obratite Suzani Pejčić, djelatnici zaduženoj za odnose sa javnosti OHR-a Sjever, na telefon 049-205-666 ili 066-133-526.